

**Bosna i Hercegovina
Federacija Bosne i Hercegovine
Tuzlanski kanton**



GRAD TUZLA

**Služba za kulturu, sport, mlade
i socijalnu zaštitu**

Broj: 17-11-A-6272-2022
Tuzla, 13.4. 2022. godine

Na osnovu člana 4. Pravilnika o kriterijima i postupku raspodjele sredstava za sufinansiranje manifestacija sa pozicije „Grant za kulturnu manifestaciju - Ljeto u Tuzli“ („Službeni glasnik Grada Tuzla“, br: 1/19 i 2/20) i Programa utroška sredstava iz Budžeta Grada Tuzle za 2022. godinu sa pozicije Grant za kulturnu manifestaciju „Ljeto u Tuzli“, broj: 17-141/22 od 6.4.2022. godine, Služba za kulturu, sport, mlade i socijalnu zaštitu, 13.4.2022. godine, objavljuje:

JAVNI POZIV

za dodjelu finansijskih sredstava iz Budžeta Grada Tuzle za 2022. godinu za sufinansiranje manifestacija sa pozicije „Grant za kulturnu manifestaciju - Ljeto u Tuzli“

I - Predmet Javnog poziva

Predmet Javnog poziva je dodjela sredstava za sufinansiranje manifestacija iz oblasti kulture koje će se održati u okviru kulturne manifestacije „Ljeto u Tuzli“ u toku 2022. godine. Sredstva za ove namjene osigurana su u Budžetu Grada Tuzle za 2022. godinu, na poziciji „Grant za kulturnu manifestaciju - Ljeto u Tuzli“ u iznosu od 40.000,00 KM.

Prioritetne oblasti i manifestacije predviđene za sufinansiranje su:

- a) književne, pozorišne, muzičko-scenske i plesne manifestacije,
- b) promocije knjiga i časopisa iz oblasti kulture, nauke, sporta i drugih društvenih djelatnosti,
- c) muzički koncerti i festivali,
- d) manifestacije filmske i audio-vizuelne umjetnosti,
- e) izložbe slika i fotografija,
- f) vjersko-kulturne manifestacije,
- g) manifestacije koje doprinose očuvanju kulturno-historijskog i prirodnog naslijeđa,
- h) manifestacije kulturno-umjetničkog amaterizma,
- i) manifestacije koje promovišu urbanu kulturu mladih,
- j) manifestacije koje afirmišu kulturu i tradiciju Tuzle.

Namjenskim budžetskim sredstvima Grada Tuzle **zainteresovani aplikanti mogu sufinansirati manifestaciju, a dio sredstava moraju osigurati od drugih donatora ili iz vlastitih sredstava. Po apliciranoj manifestaciji maksimalno se mogu dodijeliti sredstva u iznosu do 2.000,00 KM.**

II - Pravo učešća

Pravo na dodjelu finansijskih sredstava po ovom Javnom pozivu mogu ostvariti neprofitne organizacije i javne ustanove kulture sa područja grada Tuzle (u daljem tekstu: aplikanti) koje ispunjavaju sljedeće opće uslove:

- a) da su osnovani i registrovani u Bosni i Hercegovini,
- b) da su vođeni od strane državljanina Bosne i Hercegovine,
- c) da ne obavljaju aktivnosti u ime političkih partija,

- d) da svoje aktivnosti realizuju na području grada Tuzle,
- e) da se radi o manifestacijama iz oblasti kulture koje se realizuju u periodu od 01.06. do 30.09.2022. godine.

Sredstva se mogu dodijeliti i aplikantima sa sjedištem izvan grada Tuzle, a koji su registrovani na području Bosne i Hercegovine, samo u slučaju ako je realizacija manifestacije u gradu Tuzli, što će se cijeniti u svakom pojedinačnom slučaju.

III - Prijavna dokumentacija

Prijava na Javni poziv podnosi se na propisanom prijavnom obrascu koji se može preuzeti na zvaničnoj internet stranici Grada (grad.tuzla.ba).

Prilikom apliciranja na Javni poziv aplikanti su obavezni dostaviti sljedeću dokumentaciju:

1. Prijavni obrazac koji obavezno treba sadržavati sljedeće podatke:
 - a) naziv i opis manifestacije
 - b) naziv nosioca manifestacije
 - c) ciljevi manifestacije, aktivnosti i očekivani rezultati
 - d) ciljne grupe
 - e) značaj manifestacije za lokalnu zajednicu
 - f) opisni izvještaj o realiziranim manifestacijama za prethodne 4 godine (navesti ukoliko je manifestacija sa kojom se aplikant prijavljuje tradicionalna te je već finansirana od strane Grada Tuzle)
2. Detaljno razrađen finansijski plan za realizaciju manifestacije potpisan od strane odgovorne osobe (pregled budžeta manifestacije i plan potrošnje sa specifikacijom troškova potrebnih sredstava) - koristiti obrazac za budžet
3. Kopija lične karte ili uvjerenja o državljanstvu za odgovornu osobu upisanu u sudski registar,
4. Podatke o stručnosti osoba koje realizuju i učestvuju u manifestaciji (kraći CV)
5. Rješenje o registraciji
6. Identifikacioni broj
7. Uvjerenje o izmirenim obavezama prema javnim prihodima (original ili ovjerena kopija poreske uprave, ne starije od 30 dana od dana objave javnog poziva)
8. Završni godišnji finansijski izvještaj za prethodnu godinu sa pečatom AFIP-a (bilans stanja i bilans uspjeha), osim ako je udruženje registrovano u godini objavljivanja Javnog poziva
9. Zvaničan dokument banke o otvaranju transakcijskog računa aplikanta

Aplikant uz prijavu dostavlja fotokopiju prethodno navedene dokumentacije (osim dokumentacije iz tačke 7. koja treba biti u originalu ili ovjerenoj fotokopiji) a originalni dokumenti bit će zatraženi na uvid po potrebi ukoliko sredstva za sufinansiranje manifestacije budu odobrena.

Prijava mora sadržavati propisane obrasce (prijavni obrazac i obrazac za budžet za manifestaciju Ljeto u Tuzli) koji trebaju biti elektronski popunjeni, potpisani od strane odgovorne osobe te ovjereni službenim pečatom aplikanta.

Nepotpuna dokumentacija i dokumentacija dostavljena izvan predviđenog roka, neće se uzeti u razmatranje kao ni prijave koje ne zadovoljavaju bilo koji od ispod navedenih kriterija:

- a) manifestacija aplikanta koji nisu izvršili svoje obaveze po ranije doznačenim (odobrenim) finansijskim sredstvima Grada Tuzle,
- b) manifestacije kojima je predviđeni dio administrativnih i uredskih troškova i troškova osoblja veći od 20% u odnosu na ukupan budžet manifestacije,
- c) manifestacije koje su usmjerene prema političkim aktivnostima,
- d) manifestacije koje su namjenjene za isključivu dobit pojedinca,
- e) aplikanti koji ne izmiruju obaveze prema javnim prihodima,
- f) manifestacije koje nisu u skladu sa tačkom I ovog Javnog poziva.

Prijave za manifestacije koje su već finansirane/sufinansirane u toku iste budžetske godine sa drugih budžetskih pozicija, kao ni prijave za manifestacije koje su koncipirane kao podaktivnosti već finansiranih/sufinansiranih manifestacija neće biti uzete u razmatranje.

IV - Osnovni kriteriji odabira

Osnovni kriteriji odabira određeni su Pravilnikom o kriterijima i postupku raspodjele sredstava za sufinansiranje manifestacija sa pozicije „Grant za kulturnu manifestaciju - Ljeto u Tuzli“ („Službeni glasnik Grada Tuzla“, br: 1/19 i 2/20) i Programom utroška sredstava iz Budžeta Grada Tuzle za 2022. godinu sa pozicije Grant za kulturnu manifestaciju „Ljeto u Tuzli“, broj: 17-141/22 od 6.4.2022. godine

Minimalan iznos sredstava za dodjelu po jednoj aplikaciji je 300,00 KM a maksimalan 2.000,00 KM. Visina sredstva za dodjelu će se određivati u skladu utvrđenim brojem bodova za manifestaciju prema sljedećem okvirnom rasponu:

Broj bodova	Iznos sredstava za dodjelu
36 - 40	300,00 – 500,00
41 – 45	500,00 – 900,00
46 – 50	900,00 – 1.300,00
51 – 55	1.300,00 – 1.700,00
56 – 60	1.700,00 – 2.000,00

Visina sredstava za dodjelu bit će cijenjena u svakom pojedinačnom slučaju uzimajući u obzir ukupnu vrijednost predložene manifestacije i traženi iznos sredstava iz Budžeta Grada Tuzle.

Iz odobrenih budžetskih sredstva aplikanti mogu finansirati troškove osoblja, administrativne i uredske troškove, putne troškove, troškove pripreme i realizacije aktivnosti u okviru podržane manifestacije te troškove vidljivosti manifestacije.

V - Mjesto i rok dostave prijave na javni poziv

Prijave na Javni poziv sa pratećom dokumentacijom dostavljaju se u zatvorenoj koverti preporučenom poštom ili predaju lično u Centar za pružanje usluga građanima (šalter sala) u zgradi Gradske uprave na adresu:

GRAD TUZLA
Služba za kulturu, sport, mlade i socijalnu zaštitu
Ulica ZAVNOBIH-a broj 11
75000 Tuzla

sa obaveznom naznakom: „ Javni za dodjelu finansijskih sredstava iz Budžeta Grada Tuzle za 2022. godinu za sufinansiranje manifestacija sa pozicije „Grant za kulturnu manifestaciju - Ljeto u Tuzli“ - “ Ne otvarati“

Javni poziv je otvoren 15 dana od dana objavljivanja, a krajnji rok za predaju aplikacija je 28.4.2022. godine. Aplikacije koje budu pristigle poslije navedenog roka razmatrat će se jedino u slučaju da poštanski žig ukazuje na datum slanja prije zvaničnog isteka roka. Aplikacije poslone na bilo koji drugi način (npr. faksom ili e-mailom) neće biti uzete u razmatranje. Vanjska strana koverta mora sadržavati naziv i adresu aplikanta te puni naziv manifestacije za koju aplicira.

VI – Način objavljivanja rezultata i dodatne informacije

Informativni sastanak *Dan otvorenih vrata* za sve zainteresovane aplikante održat će se **19.4.2022. godine (utorak) sa početkom u 10:00 sati u prostorijama Ateljea „Ismet Mujezinović“**. Potencijalni aplikanti će tokom sastanka biti detaljnije upoznati sa načinom prijavljivanja, popunjavanja prijavnih obrazaca, kriterijima i ostalim pitanjima značajnim za pravilno apliciranje i učešće na Javnom pozivu. Na Danu otvorenih vrata potencijalni aplikanti izabrat će svog predstavnika za člana Komisije za ocjenu

i odabir aplikacija po ovom javnom pozivu. Udruženje ili javan ustanova čiji predstavnik bude izabran za člana Komisije ne može aplicirati na Javni poziv.

Nakon završenog postupka odabira rezultati Javnog poziva će biti objavljeni na zvaničnoj stranici internet stranici Grada Tuzle (grad.tuzla.ba).

Sve dodatne informacije o načinu i postupku učešća na Javnom pozivu mogu se dobiti u Službi za kulturu, sport, mlade i socijalnu zaštitu Grada Tuzle, direktno ili putem telefona: 035 307-327, 307-317 i 307-415, te slanjem pitanja na e-mail adresu: asja@tuzla.ba, sa naznakom „Za Javni poziv“.

**Služba za kulturu, sport, mlade
i socijalnu zaštitu**